

## HEADLINES

- ۱۔ جموں کشمیر کی قانون ساز اسمبلی گو خزاں اجلاس آج تیں شروع ہوو تے اجلاس مانہ سابق گورنر ستیہ پال ملک سابق وزیر تے دیگر قانون سازاں نانہ خراج عقیدت پیش کیو گیو۔
- ۲۔ سمٹ کانفرنس مانہ عملی طور ور شامل ویں ASEAN وزیر اعظم نریندر مودی نے کہیو کہ وے گا۔
- ۳۔ بھارت نے پہلگام حملہ ور پاکستان غی مزمت کی تے اس نانہ انسانی حقوق کی سنگین خلاف ورزی قرار دتو۔
- ۴۔ جموں کشمیر مرکزی زیر انتظام علاقو قومی نوجوان تقریب 2026 مانہ حصولین واسطے تیار ہے۔

\*\*\*\*\*

## AUTUM SESSION LA

جموں کشمیر کی قانون ساز اسمبلی غو خزاں اجلاس آج شروع ہوو جس مانہ سابق گورنر ستیہ پال ملک، سابو وزیر تے دیگر قانون سازاں نانہ خراج عقیدت پیش کیو گیو جن گو گزشتہ اجلاس تیں بعد انتقال ہو گیو تھو اس سلسلہ مانہ قانون ساز اسمبلی غو چوتھو اجلاس شروع ہوتاں ہی ایوان سنگ خطاب کرتا وں سپیکر عبدالرحیم راتھر نے سابق گورنر ستیہ پال ملک سابق وزیر گلچین سنگھ چرک سابق قانون ساز ممبر دینا ناہ بھگت سابق ایم ایل سی غلام بنی شائین سابق ایم ایل سی رامیش ارورا سابق ایم ایل سی سردار محمد اخلاق خان نانہ خراج عقیدت پیش کی اُنہاں نے سابق گورنر سابق وزیر تے ایوان غا دیگر قانون سازاں کی زندگیاں ور لوکھلی تے کہیو کہ اُنہاں نے جموں کشمیر سمیت ملک کی ترقی مانہ اہم کردار ادا کیو تھو سپیکر نے قانون سازاں ورزور دتو کہ وے دستیاب محدود وقت غو بہترین استعمال کریں تانجے کاروائی جموں کشمیر گا لوکاں بارے بامعنی تے فائدے مند ثابت ہوسکے وزیر اعلیٰ عمر عبداللہ نائب وزیر اعلیٰ سریندر چودھری تے حزب اختلاف لیڈر سونیل کمار شرما نے وزیر جاوید رانا تے علاوہ قانون ساز ممبراں نے وی مرحوم غی روحاں نانہ خراج عقیدت پیش کیو اس تیں علاوہ سپیکر تے ارکان اسمبلی نے ان کی یاد مانہ 2 منٹ غی خاموشی وی اختیار کی۔

\*\*\*\*\*

## NC WHIP

نیشنل کانفرنس نے آج اپنا اسمبلی ممبران نانہ ہدایت دتی ہے کہ وہ اس اسمبلی مانہ موجود رہیں تے جموں کشمیر غا 4 راجیہ سبھا نشستیں غا انتخاب مانہ پارٹی امیدواراں گا حق مانہ ووٹ کہلیں پولنگ جمع نانہ وے غی۔ این سی گا چیف وپ مبارک گل نے پارٹی غا اسمبلی ممبران نانہ ترے لائین گو وپ جاری کیو ہے جس مانہ کہیو گیو ہے کہ وہ غیر حاضر نہ ویں ووٹ دین تیں گریز نہ کریں تے پارٹی غی ہدایت غے خلاف ووٹ نہ دیں این سی نے 4 نشستیں واسطے امیدوار کھلا کیا ہیں جدکہ حزب اختلاف پارٹی ہی جے پی نے ترے امیدوار نامزد کیا ہیں۔

\*\*\*\*\*

## PM ASEAN

وزیر اعظم نریندر مودی نے کہیو کہ وے آشین سمٹ کانفرنس مانہ عملی طور ور شامل ویں غا ایک سماجی میڈیا پوسٹ مانہ جانب مودی نے کہیو کہ اُنہاں نے اپنا ملیشیا ہم منصب انور ابراہم گے سنگ گل بات کی تے اُنہاں نانہ ملیشیا مانہ آشین کی صدارت سنبھالن ور مبارک باد وی دتی وزیر اعظم نے آئندہ کانفرنساں کی کامیابی بارے اپنی نیک خواہشات گو اظہار وی کیو تے آشین بھارت جامع حکمت عملی حصہ داری نانہ مزید ڈونگو کرن ور اپنا عزم گواہادو وی کیو۔

تاہم اس طرح 47 ویں آشین غے سنگ ملیشیا غا شہر کوالا لمپور مانہ اس مہینہ غی 26 تی 28 تاریخ تک منعقد وے غی۔

\*\*\*\*\*

#### PM ARTICLE

وزیر اعظم نریندر مودی نے اج کہیو کہ ملک گی جہاز سازی تے سمندری ماحولیاتی نظام نانہ زندہ کرن بارے حکومت غو آٹھ بلیں امریکی دالر غو پیکچ معمول غو بجٹ لائن نہیں بے بلکہ عزائم غو اشارو بے بندرگاں جہاز رانی تے آبی گزرگاں گا وزیر سربزندا سنوول گے ذریعہ پوسٹ کردہ ایک مضمون غو استراک کرتا واں وزیر اعظم نے کہیو کہ مضمون رسے کہ کس طرح میک ان انڈیا گی تحریک غے سنگ بدھتا واں کچلدار صنعتی بہار تے بندگاواں نانہ جدید بنان گی کوششاں نے ملک ناہ ایک منفرد مقام ور فائدع فراہم کیو بے سماجی میڈیا یوسٹ گی ایک سیریز مانہ وزیر اعظم نے اس گل ور لوکھلی کے کس طرح اگلی نسل نانہ جی ایس ٹی اصلاحات نے ملک گی معاشی اعتماد نانہ فروغ دتو بے تے بھارت گی برآمدات وی اس مالی سال مانہ بون توڑی 31.4 لکھ یوٹس و رچ گئی بے۔

\*\*\*\*\*

#### BHAI DOOJ

جموں کشمیر مانہ بھائی دوج غو تہوار بڑی خوشی تے عقیدت غے نال منایو گیو ڈوگر ثقافت مانہ اس ناہ ویر ٹکا کہیں۔ پین اس دن پائیاں گا متھا ور ٹکو لاویں تے اُنگی لمی عمر خوشحالی تے اچھی صحت غی دعا کریں جد کہ پائی اپنی پیناں غی حفاظت تے محبت گو وعدو کریں تے اُنہاں نانہ تحفو دیں مندرائ تے گھراں مانہ خوشیاں گو ماحول نظر آریو بے۔

\*\*\*\*\*

#### JKBOSE

جموں کشمیر اسکولی تعلیم بورڈ نے موجودہ سیشن مانہ کشمیری زبان غی کتاب نہ بون غا الزام ناہ چھوٹھو قرار دتو بے بورڈ نے اج جاری ایک بیان مانہ کہیو کہ اس تعلیمی سال واسطے پہلی جماعت تی 8 ویں جماعت توڑی 3 لکھ 85 ہزار کشمیری زبان غی کتاب چھاپی گئی ہیں تے شائع کی گئی ہیں ان وچوں 1 لکھ 40 ہزار کتاب پہلی تے دوجی جماعت واسطے حکومت غی طرفوں مفت فراہم کی گئی ہیں تیجی جماعت تی اوپر آلا واسطے کشمیری تے دیگر علاقائی زبانان غی کتاب جسراں کہ ڈوگری پہاڑی پنجابی وغیرہ ہزاراں غے ذریعے دستیاب ہیں اُنہاں نے مزید دسیو کہ بورڈ غی سمرگ شکشا غے تحت پہلی تی پنجویں جماعت واسطے ہر کتاب غو سیٹ 250 روپیہ مانہ دستیاب وے غو تے 6 ویں تے 8 ویں واسطے 400 روپیہ سیٹ جد کہ اصل لاگت پہلی تے لے 5 ویں توڑی 400 روپیہ سیٹ بے تے 6 ویں تے 8 ویں واسطے 800 روپیہ تی زیادہ گو بے۔

\*\*\*\*\*

#### INDIA PAK UN

بھارت نے پہلگام حملہ ور پاکستان غی مزمت کی تے اس نانہ انسانی حقوق گی سنگین خلاف ورزی قرار دتو بھارت غا اقوام متحدہ غا مشن غا پہلا سیکرٹری رگو پوری نے بینے تہاڑے کیو کہ بین العقوامی برادری پاکستان گی سرحد پار دہشت گردی گی سرپرستی تے بھارت غے خلاف ریاستی پالیسی بارے باخبر واضع رہ جے جناب پوری انسانی امور تی متعلق جنرل اسمبلی گی تیجی کمیٹی مانہ انسداد دہشت گردی غے دوران بُنیادی آزادیاں غی خصوصی نمائندے گی سنگ ایک انٹرایکٹیو مکالمہ گے دوران جواب دے رپیا تھا جناب پوری نے آپریشن سندھور گو دفاع کیو اُنہاں نے عالمی دہشت گردی غا مرکز اسلام آباد نانہ مشورو دتو کہ وے اپنا آپ نانہ شپشا مانہ

دیکھیں تے اس فورم مانہ خطاب دینو بند کریں۔ اپنی سرحدیں غے اندر بچاں گی حفاظت بارے کم کریں تے اپنی سرحدیں غے پار کالسریاں تے بچاں نانہ نشانوں بنانو بند کریں۔

\*\*\*\*\*

PREZ VB

صدر جمہوریہ دروپدی مرمو نے اس گل ور زور دیتا واں کہیو کہ سماج گا ہر طبقہ واسطے برابر مواقع خاص طور ور کمزور تے پسماندہ طبقہ بارے وکست بھارت گا نظریہ نانہ حاصل کرن غے ضرورت ہے وے اج کیرلہ غاراج بھون مانہ سابق صدر کے آرائینا غا مجسمہ گی نقاب کشائی تیں بعد اجتماع سنگ خطاب کرری تھی سابق صدر غا تعاون ور لوکھلتاں صدر جمہوریہ نے کہیو کہ اُنہاں نے اپنے پیچھے دیانت داری ہمدردی تے اعلیٰ جمہوری جذبہ گی میراث چھوڑی ہے اُنہاں نے کہیو کہ سابق صدر کے آرائینا گو پکو یقین تھو کہ تعلیم تہذیب غی بُنیاد ہے تے یاہ کسی وی معاشرہ گی ترقی واسطے ضروری ہے اس موقع ور گورنر راجیندر وشواناتھ سابق صدر رام ناتھ کووند تے بہار گا گورنر عارف محمد خان موجود تھا۔

\*\*\*\*\*

COP 10 IND

بھارت نانہ کھیڈ مانہ دوپنگ کے خلاف بین العوامی کنونشن گی کانفرنس آف پارٹی بیورو غو Cop10 نائیب صدر غا طور ور دوبارہ منتخب کیو گیو ہے یوہ فیصلو پیرس مانہ منعقدہ غی 10 ویں اجلاس غے دوران کیو گیو نوجواناں گی امور تے کھیڈ گی وزارت نے ایک بیان مانہ کہیو کہ کانفرنس غے دوران بھارت نے اینٹی ڈوپنگ غا خاتمہ بارے فنڈ گی مالی اعانت تے دیگر گلاں ور وی توجہ مرکوز کی گئی۔

\*\*\*\*\*

JK NYF

جموں کشمیر قومی نوجوان تقریب 2026 مانہ حصول واسطے تیار ہے نوجواناں گا کھیڈاں بارے شعبہ نے نوجواناں غی صلاحیتاں نانہ نکھارن واسطے مرکزی زیر انتظام علاقہ بھر مانہ یاہ مہم شروع کیہے تصویر کشی لوک گیت کہانی شاعری نویسی لوک رقص ایجادار تے تقریری مقابلہ ضلع تے یوٹی سطح ور ویں گا بہترین کارکردگی دسن آلاں نوجوان قومی سطح ور جموں کشمیر غی نمائندگی کریں غا نوجوان تے کھیڈاں بارے شعبہ غی ڈائریکٹر جنرل انورادھا گپتا نے تمام ضلاع غا افسراں تیں کہیو ہے کہ اندراج غو عمل شفاف تے آسان بنایو جے نوجوان اپنو اندراج ور کروا سکیں۔ <http://mybharat.gov.in> غی ویب سائٹ MyBharatPortal

\*\*\*\*\*

JAMMU ATVMs

شمالی ریلوے نے مسافراں غی سہولت واسطے جموں صوبہ غا 5 سٹیشناں ور آٹو میٹک ٹکٹ ونڈنگ مشین نصب کی ہیں یوہ قدم خاص طور ور تہواراں گا موقع ور مسافراں غی آسانی واسطے چایو گیو ہے آکاشوانی جموں غا نمائندہ غی رپوٹ غے مطابق پٹھانکوٹ کنٹانمنٹ پٹھانکوٹ سٹی جموں شہید کپٹن توشار مہاجن ادھمپور تے شری ماتا ویشنو دیوی کٹرہ سٹیشن ور یاہ مشین لائی گئی ہیں ان مشیناں غی مدد تیں مسافر بغیر قطار مانہ لگے آسانی تیں ٹکٹ خرید سکیں ادائیگی واسطے یوپی آئی تے دیگر ڈیجیٹل طریقہ اپنا سکیں ریلوے سمارٹ کارڈ رکھن آلاں نانہ ہر ریچارچ ور 3 فی صد اضافی ویلیو لیے غی یاہ سہولیت 24 گھنٹہ دستیاب ریں غی۔ سنئیر ڈویژنل کمربل منیجر اوچت سنگل نے کہیو کہ اے ٹی وی ایم غا استعمال تیں مسافراں نانہ محفوظ تے آسان سفر غو تجربو ملے غو۔

\*\*\*\*\*